

**Aalisarneq pillugu Inatsisartut inatsisaata allanngortinneqarnissaa pillugu Inatsisartut inatsisissaattut nr. xx.uu. qqq. 2002-meersussatut siunnersuut.**  
(Sinerissamut qanittumi aalisarnerup aamma avataasiorluni aalisarnerup akornanni pisassiissutit agguarneqarnerat, nalunaarutinik innuttaasunut aalajangersimasunut ataatsimoortunut sammitinneqartunik nalunaaruteqartarneq saqqummiussisarnerlu pillugit malittarisassat aamma tunitsivinnik nioqqutissiorfinnillu nutaanik pilersitsinermi Naalakkersuisut akuersissuteqartarnissaannik piumasaqaat).

## § 1.

Aalisarneq pillugu Inatsisartut inatsisaanni nr. 18, 31. oktober 1996-imeersumi kingullermillu Inatsisartut inatsisaatigut nr. 15-ikkut 12. november 2001-imeersukkut allanngortinneqartumi makku allanngortinneqarput:

**1. § 5-imi imm. 3**–tut ilanngunneqassaaq:

"*Imm. 3.* Kalaallit Nunaata Kitaani raajanut TAC –ip agguanneqarnerani sinerissamut qanittumi aalisariutinut 43 %-i avataasiortunullu 57 % tunniunneqartassaaq."

**2. § 10-mi nr. 5** atorunnaarsinneqarpoq.

Tamatuma kingorna *nr. 6* nr. 5-inngorpoq *nr. 7*-ilu nr. 6-inngorluni.

**3. § 10-p** kingornagut paragraffitut nutaatut ilanngunneqassaaq:

"**§ 10a.** Aalisakkat erseqqinnerusumik nalunaarsorneqarsimasut aalisarneqarsinnaanerannut aamma aalisarnerup ingerlanneqarnissaanut atugassarititat pillugit Naalakkersuisut malittarisassiorsinnaapput.

*Imm. 2.* Naalakkersusiut aalisakkanik erseqqinnerusumik nalunaarsorneqarsimasunik aalisarneq pillugu nalunaarutini sukkulluunniit atuuttuni nalunaarutigineqartartut taaneqartut nalunaarutigineqartarnerat atuutilersinneqartarnerallu pillugit erseqqinnerusunik malittarisassiussaaq."

*Imm. 3.* Imm. 2 malillugu avammut nalunaarutit nalunaarutigineqassapput atuutilerlutillu imm. 1-imi malittarisassat malillugit. Avammut nalunaarutit Nalunaarutit-ni – Grønlands lovsamling-imi – nalunaarutigineqartassanngillat.

**4. § 22-p** kingorna paragraffitut nutaatut ilanngunneqassaaq:

"**§ 22a.** Tunitsiviit nioqqutissiorfiillu nutaat Naalakkersuisut akuersissuteqarsimatinnagit pilersinneqassanngillat. Tamanna aamma atuuppoq

nioqutissiorfiup pioreersup tunitsivittut allanngortiterneqarnissaa imaluunniit aalisakkanik allanik nioqutissiorfinngortinneqarnissaa kissaatigineqarpat.  
*Imm.* 2. Naalakkersuisut tunitsivinnik aamma nioqutissiorfinnik nutaanik pilersitsineq kiisalu nioqutissiorfiit pioreersut allanngortinneqarneri pillugit erseqqinnerusunik malittarisassiorsinnaapput."

5. § 32 ima oqaasertaqassaaq:

"§ 32. Naalakkersuisut Aalisarneq pillugu Siunnersuisoqatigiinnik pilersitsissapput kattuffinnit aamma suliffeqarfinnit aalisarnermut attuumassuteqartunit ilaasortaaffigineqartumik.

*Imm.* 2. Naalakkersuisut Aalisarneq pillugu Siunnersuisoqatigiit kikkunnik inuttarqartinneqassanersoq aammalu qassinik ilaasortaqassanersoq peqqussusiutissavaat.

*Imm.* 3. Naalakkersuisut suliasani §§ 5, 7, 9, 10, 11, 13, 18, 20, 22 aamma 23-mut tunngasuni Aalisarneq pillugu Siunnersuisoqatigiit ilaasortaataatsimut imaluunniit ataasiakkaarlugit tusarniartassavaat."

## § 2.

Inatsisartut inatsisaat ulloq 1. juni 2002 atuutilerpoq.

*Namminersornerullutik Oqartussat, ulloq #.## 2002.*

Jonathan Motzfeldt

/

Hans Enoksen